

Ptače stawiznički – sroka

W starych Serbskich Nowinach móžeš wjele zajimaweho namakać. K tomu słuša tež powěsć wo wosebitych srokach. Haj, woprawdže! W léće 1856 wozjewichu Serbske Nowiny dopis z Radworskeho Haja:

“Pola nas su tute léto čerwjeno-pisane sroki hnězdźili. Wone maja tón samy napohlad kaž druhe sroki, jenož te blaki, kiž su pola druhich čorne, maja wone čerwjene. Hižo před někotrym časom je Lutobčanski baron jednu z nich třělił a do Drježdźan póslał. Tam je kabinet, w kotrymž so dźiwne wěcy pokazuja. Zařdženy tydzień je Lutobčanski hajnik zaso jednu tajku čerwjenu sroku třělił. Dokelž bě jenož do křidła trječena, je hišće žiwa a w Lutobču k wobhladanju. Pisar tutych rynčkow je ju sebi tam wóndano wobhladał.“ Podpisał je tutón dopis wěsty K. z Haja.

To je tola hotowy krimi! Tuž pytajće za čerwjenyimi srokami – a jeli je njenamakaće, widźiće tola zawěsće dosć druhich zajimawych ptakow!